

摛藻堂四庫全書薈要

集部

欽定四庫全書會要

集部

御定全唐詩卷四百七十六至八

詳校官原任主事臣李斯咏

欽定四庫全書
欽定全唐詩卷一萬七千八百八十一

集部

御定全唐詩卷四百七十六

熊孺登

鷓鴣
孺登鍾陵人登進士第元和中終藩鎮從事詩一卷

至日荷李常侍過郊居

賤子守柴荆誰人記姓名風雲千騎降草木一陽生禮
異江河動歡殊里巷驚稱觴容侍坐看竹許同行遇覺
滄溟淺思疑太嶽輕盡搜天地物無諭此時情

日暮天無雲

杳杳復蒼然無雲日暮天象分青氣外景盡赤霄前漸
吐星河色遙生水木煙從容一作龍難附麗顧步欲澄鮮
但見收三素何能測上玄應非暫呈瑞不許出山川

新成小亭月夜

已被月知處斬新風到來無人伴幽境多取木蘭裁
和竇中丞歲酒喜見小男兩歲

更添十歲應為相歲酒從今把未休聞得一毛添五色

眼看相逐鳳池頭

寒食

東風潑火雨新休
昇盡春泥掃雪溝
走馬犢車當御路

漢陽公主謝雞姥

送僧遊山

雲身自在山山去
何處靈山不是歸
日暮寒林投古寺

雪花飛滿水田衣

雪中答僧書

八行銀字非常草六出天花盡是梅無所與陳童子別
雪中辛苦遠山來

題逍遙樓傷故韋大夫

利及生人無更為落花流水舊城池逍遙樓上雕龍字
便是羊公墮淚碑

戲贈費冠卿

但恐紅塵虛白首寧論塞逸分先後莫占鶯花笑寂寥

長安春色年年有

與左興宗溢城別

江逢九派人將別
猿到三聲月為秋
不知相見更何日
此夜少年堪白頭

八月十五夜卧疾

一年祇有今宵月
盡上江樓獨病眠
寂寞竹窗閒不閉
夜深斜影到牀前

正月十五日

漢家遺事今宵見
楚郭明燈幾處張
深夜行歌聲絕後

紫姑神下月蒼蒼

曲池陪宴即事上竇中丞

水自山阿繞坐來珊瑚臺上木綿開欲知舉目無情罰
一斤花流酒一杯

董監廟

仁傑淫祠廢欲無枯楓老櫟兩三株神鳥慣得商人食
飛趁征帆過蠡湖

贈侯山人

一見清容愧素聞有人傳是紫陽君來時玉女裁春服

翦破湘山幾片雲

湘山在泉州治後

送馬判官赴安南

故人交趾去從軍應笑狂生揮陣雲省得蔡州今日事

舊曾都護帳前聞

送準上人歸石經院

栴檀刻像今猶少白石鐫經古未曾歸去更尋翻譯寺

前山應遇鴈門僧

寒食野望

丁

拜掃無過骨肉親一年唯此兩三晨冢頭莫種有花樹
春色不關泉下人

祇役遇風謝湘中春色

水生風熟布帆新只一作唯見公程不見春應被百花撩
亂笑比來天地一閒人

湘江夜泛

江流如箭月如弓行盡三湘數夜中無那子規知向蜀

一聲鼙似怨春東一作風

蜀江水來自蕃界

日夜朝宗來萬里共憐江水引蕃心若論巴峡愁人處
猿比灘聲是好音

寄安南馬中丞

龍韜能致虎符分萬里霜臺壓瘴雲蕃客不須愁海路
波神今伏馬將軍

甘子堂陪宴上韋大夫

武陵樓上春長早甘子堂前花落遲楚樂怪來聲競起
新歌盡是大夫詞

青溪村居二首

家占溪南千箇竹地臨湖上一羣山漁船多在馬長放
出處自由閒不閒

深樹黃驪曉一聲林西江上月猶明野人早起無他事

貪繞沙泉看筍生

奉和興元鄭相公早春送楊侍郎

征鞍欲上醉還留南浦春生百草頭丞相新裁別離曲

鼙鼙飛出舊梁州

送舍弟孺復往廬山

能騎竹馬辨西東未省煙花暫不同第一早歸春欲盡
廬山好看過湖風

野別留少微上人

若為相見還分散翻覺浮雲亦不閒何處留師暫且住
家貧唯有坐中山

經古墓

碑折松枯山火燒夜臺從開不曾朝那將逝者比流水
流水東流逢上潮

贈靈徹上人

詩句能生世界春僧家更有姓湯人況聞暗憶前朝事
知是修行第幾身

春郊醉中贈章八元

三月踏青能幾日百回添酒莫辭頻看君倒卧楊花裏

始覺春光為醉人

御定全唐詩卷四百七十六

欽定四庫全書
欽定全唐詩卷一萬七千八百八十二

集部

御定全唐詩卷四百七十七

李涉

李涉洛陽人初與弟渤同隱廬山後應陳許辟憲宗時為太子通事舍人尋謫陝州司倉參軍太和中為太學博士復流康州自號清谿子集二卷今編詩一卷

懷古

尼父未適魯屢屢倦迷津徒懷教化心糾鬱不能伸一

遇知已言萬方始喧喧至今百王則孰不挹其源

詠古

大智思濟物道行心始休垂綸自消息歲月任春秋紂
虐武既賢風雲固可求順天行殺機所向協良謀況以
丈人師將濟安川流何勞問枯骨再取陰陽籌霸國不
務仁兵戈恣相酬空令渭水迹千古悠悠

題清溪鬼谷先生舊居

翠壁開天池青崖列雲樹水容不可狀杳若清河霧常

聞先生教指示秦儀路二子才不同逞詞過尺度偶因
從吏役遠到冥棲處松月想舊山煙霞了如故未遑鍊
金鼎日覺容光暮萬慮隨境生何由返真素寂寞天籟
息清迴鳥聲曙迴首望重重無期挹風馭

感興

隋氏造宮闈峨峨倚雲煙搜奇竭四海立制謀千年秦
兵半夜來烈火焚高臺萬人聚筋血一旦為塵埃君看
汴河路尚說隋家柳但問哭陵人秋草沒來久

鷓鴣詞二首

湘江煙水深沙岸隔楓林何處鷄鴣飛日斜斑竹陰二

女空一作虛

垂淚三間枉自況惟有鷄鴣啼獨傷行客心

越岡連越井越鳥更南飛何處鷄鴣啼夕煙東嶺歸嶺

外一作頭

行人少天涯北客稀鷄鴣啼別處相對淚沾衣

山中

無奈牧童何放牛喫我竹隔林呼不應叫笑如生鹿欲

報田舍翁更深不歸屋

寄荆娘寫真

章華臺南莎草齊長河柳色連金堤青樓瞳曬曙光早
梨花滿卷新鶯啼章臺玉顏年十六小來能唱西梁曲
教坊大使久知名郢上詞人歌不足少年才子心相許
夜夜高堂夢雲雨五銖香帔結同心三寸紅牋替傳語
緣池並戲雙鴛鴦田田翠葉紅蓮香百年恩愛兩相許
一夕一作日不見生愁腸上清仙女徵遊伴欲從湘靈住
河漢只愁陵谷變人寰空歎桑田歸海岸願分精魄定

形影水似銀壺挂金井召得丹青絕世工寫真與身真
相同忽然相對兩不語疑是妝成來鏡中豈期人願天
不違雲輶却駐從山歸畫圖封裏寄箱篋洞房艷艷生
光輝良人翻作東飛翼却遣江頭問消息經年不得一
封書翠幕雲屏遼空壁結客有少年名總身姓江征帆
三千里前月發豫章知我別時言識我馬上郎恨無羽
翼飛使我徒怨滄波長開篋取畫圖寄我形影與客將
如今憔悴不相似恐君重見生悲傷蒼梧九疑在何處

斑斑竹淚連瀟湘

與弟渤新羅劒歌

我有神劒異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒
昨夜大梁城下宿不借趺跌光顏看刃邊颯颯塵沙缺
瘢痕半是蛟龍血雷煥張華久已無沉寃知向何人說
我有愛弟都九江一條直氣今無雙青光好去莫惆悵
必斬長鯨須少壯

六歎并序
本六首今存三首

五噫四愁九歌七啟皆創文者立意之終紀其數而名之也清江白雲孤山遠嶼皆得時之人吟咏性情耳余無暇於是焉窮居歲陰偶懷無悰因追感聞見成文六篇目曰六歎懼質文之不備復何全於比興乎錄之私齋以示同道格韻枯缺多慙

見知

綺羅

一作模

香風翡翠車清明獨傍芙蓉渠上有雲鬟洞

仙女垂羅掩縠煙中語風月頻驚桃李時滄波久別鴛
鴦侶欲傳一札孤飛翼山長水遠無消息却鎖重門一
院深半夜空庭明月色

深院梧桐夾金井上有轆轤青絲索美人清晝汲寒泉
寒泉欲上銀鉢落迢迢碧甃千餘尺竟日倚闌空歎息
惆悵不來照明鏡却掩洞房抱花一作寂寂

漢臣一沒丁零塞牧羊西過陰沙外朝憑南雁信難回
夜望北辰心獨在漢家茅土橫九州高門長戟封一作

王侯但將鐘鼓悅私愛肯以犬羊一作戎為國羞夜宿一

夜寒雲卧冰雪嚴風觸刀垂旌節丁年奉使白頭歸泣

盡李陵衣上血

春山三鶴來

釣魚竭來春日暖沿溪不厭舟行緩野竹初裁碧玉長
澄潭欲下青絲短昔人避世兼避讐暮棲雲外朝悠悠
我今無事亦如此赤鯉忽到長竿頭汎汎隨波凡幾里
碧莎如煙沙似砥瘦壁橫空怪石危山花鬪日禽爭水

有時帶月歸扣舷身閒自是漁家仙

山上竭來採新茗新花亂發前山頂瓊英動搖鍾乳碧
叢叢高下隨崖嶺未必蓬萊有仙藥能向鴟中雲漠漠
越甌遙見裂鼻香欲覺身輕騎白鶴

採藥竭來藥苗咸藥生只傍行人徑世人重耳不重目
指似藥苗心不足野客住山三十載妻兒共寄浮雲外
小男學語便分別已辯君臣知匹配都市廣長開大鋪
疾來求者多相悞見說韓康舊姓名識之不識先相怒

牧童詞

朝牧牛牧牛下江曲夜牧牛牧牛度村谷

一作荷蓑
村口作

笠出林春雨細蘆管臥吹莎草綠亂挿蓬蒿箭滿腰不

怕猛虎欺黃犢

醉中贈崔膺

與君兄弟匡嶺故與君相逢楊子渡白浪南分吳塞雲
綠楊深入隋宮路隋家文物今雖改舞館歌臺基尚在
煬帝陵邊草木深汴河流水空歸海古今悠悠人自別

此地鱗華終未歇大道青樓夾翠煙瓊墀繡帳開明月
與君一言兩相許外捨形骸中爾汝揚州歌酒不可追
洛神映箔湘妃語白馬黃金為身置誰能獨羨他人醉
暫到香爐一夕間能展愁眉百世一作年事君看白日光
如箭一度別來顏色變早謀侯印佩腰間莫遣看花鬢
如霰

岳陽別張祜

十年蹭蹬為逐臣鬢毛白盡巴江春鹿鳴猿嘯雖寂寞

水蛟山魅多精神山瘞困中聞有赦死灰不望光陰借
半夜州符喚牧童虛教哀病生驚怕巫峽洞庭千里餘
蠻陬水國何親疎由來真宰不宰我徒勞歎者懷吹噓
灞橋昔與張生別萬變桑田何處說龍蛇縱在沒泥塗
長衢却為駕駘設愛君氣堅風骨峭文章真把江淹笑
洛下諸生懼刺先烏鳶不得齊鷹鵠岳陽西南湖上寺
水閣松房遍文字新釤張生一首詩自餘吟著皆無味
策馬前途須努力莫學龍鍾虛歎息

寄河陽從事楊潛

憶昨天台尋石梁赤城枕下看扶桑金烏欲上海如血
翠色一點蓬萊光安期先生不可見蓬萊目極滄海長
回舟偶得風水便煙帆數夕歸瀟湘瀟湘水清巖嶂曲
夜宿朝遊常不足一自無名身事間五湖雲月偏相屬
進者恐不禁退者恐不深魚遊鳥逝兩雖異彼此各有
遂生心身解耕耘妾能織歲晏飢寒免相逼稚子纔年
七歲餘漁樵一半分渠力吾友從軍在河上腰佩吳鈎

佐飛將偶與嵩山道士期西尋汴水來相訪見君顏色
猶憔悴知君未展心中事落日驅車出孟津高歌共歎
傷心地洛邑秦城少年別兩都陳事空聞說漢家天子
不東遊古木行宮閑煙月洛濱老翁年八十西望殘陽
臨水泣自言生長開元中武皇恩化親霑及當時天下
無甲兵雖聞賦斂毫毛輕紅車翠蓋滿衢路洛中歡笑
爭逢迎一從戎馬來幽薊山谷虎狼無捍制九重宮殿
開豺狼萬國生人自相噬蹭蹬瘡痍今不平干戈南北

常縱橫中原膏血焦
欲盡四郊貪將猶憑陵
秦中豪寵爭出羣巧
將言智寬明君南山四皓不敢語
渭上釣人何足云
君不見昔時槐柳八百里
路傍五月清陰起
只今零落幾株殘枯根
半死黃河水

重登滕王閣

滕王閣上唱伊州
二十年前向此遊
半是半非君莫問
好山長在水長流

重到襄陽哭亡友韋壽朋

故人墳樹立秋風伯道無兒跡便空重到笙歌分散地
隔江吹笛月明中

再至長安

十年謫宦鬼方人三遇鴻恩始到秦今日九衢騎馬望
却疑渾是剎那身

贈道器法師

水作形一作儀容雪作眉早知談論兩川知如今不用空
求佛但把令狐宰相詩

廬山得元侍御書

慙君知我命龍鍾一紙書來意萬重正著白衣尋古寺忽然郵遞到雲峰

竹枝詞一作歌

荆門灘急水潺潺兩岸猿啼煙滿山渡頭少年一作應官去月落西陵望不還

巫峽雲開神女祠綠潭紅樹影參差不勞一作戍口初相問無義灘頭剝別離

石壁千重樹萬重白雲斜掩碧芙蓉昭君溪上年年月

偏照一作獨自嬋娟色最濃

十二峰頭月欲低空舲一作濛灘上子規啼孤舟一夜

又作濛灘上子規啼孤舟一夜

東歸客泣向東一作春風憶建溪

京口送朱晝之淮南

一作贈妓人寄

兩行客淚愁中落萬樹山花雨後一作裏殘君到揚州見

桃葉為傳風水渡江難

題鶴林寺僧舍

寺在鎮江

終日昏昏醉夢間忽聞春盡強登山因過竹院逢僧詰

又偷一作得浮生半日閒

重過文上人院

南隨越鳥北燕鴻松月三年別遠公無限心中不平事

一宵清話又成空

雙峰寺得舍弟書

暫入松門拜祖師殷勤再讀塔前碑回頭忽向

見一作尋

陽使太守如今是惠持

木蘭花

碧落真人著紫衣
始堪相並木蘭枝
今朝繞郭花看遍
盡是深村田舍兒

過招隱寺

每憶中林訪惠持
今來正遇早春時
自從休去無心事
唯向高僧說便知

酬舉生許遇山居

琉璃潭上新秋月
清淨泉中智惠珠
不似本宗疎二教

許過雲壑訪潛夫

春晚遊鶴林寺寄使府諸公

野寺尋花春已遲
背巖唯有兩三枝
明朝攜酒猶堪賞
一作
醉為報春風且莫吹

題閑聖寺

宿雨初收草木濃
羣鴉飛散下堂鍾
長廊無事僧歸院
盡日門前獨看松

奉使淮南

漢使徵兵詔未休兩行一作南行旌旆接揚州試上高樓望

春色一年風景盡堪愁

登北固山亭

海繞重山江抱城隋家宮苑此分明居人不覺三吳恨

却笑關河一作山又戰爭

秋日過員太祝林園

望水尋山二里餘竹林斜到地仙居秋光何處堪消日

玄晏先生滿架書

題武關

來往悲歡萬里心多從此路計浮沉皆緣不得空門要
舜葬蒼梧直至今

題溫泉

一本此下有宮字

能使時平四十春開元聖主得賢臣當時姚宋并燕許
盡是驪山從駕人

經潁川館寄使府羣公

潁川水竹十家餘漁艇蓬門對岸居大勝塵中走鞍馬

與他軍府判文書

葺東陵幽居

負郭依山一徑深萬竿如束翠沉沉從來愛物多成癖
辛苦移家為竹林

再遊頭陀寺

無因暫泊魯陽戈白髮蕭愁日日多只恐雪晴花便盡
數來山寺亦無他

看射柳枝

玉弔朱弦敕賜弓新加二斗得秋風萬人齊看翻金勒
百步穿楊逐箭空

寄峽州韋郎中

年過五十鬢如絲不必前程更問師幸得休耕樂堯化
楚山深處最相宜

贈田玉卿

長安里巷舊鄰居未解梳頭五歲餘今朝嫁得風流婿
歌舞閒時看讀書

題招隱寺即戴顥舊宅

兩崖古樹千般色一井寒泉數丈冰欲問前朝戴居士

野煙秋色一作草是丘陵

山居送僧

一本題上有青溪二字

失意因休便買山白雲深處寄柴關若逢城邑人相問報道花時也不閒

過襄陽上于司空頤

方城漢水舊城池陵谷依然世自移歇馬獨來尋故事

逢人唯說峴山碑

送魏簡能東遊二首

獻賦論兵命未通却乘羸馬出

一作去

關東灞陵原上重

回首十載長安似是

一作

夢中

燕市悲歌又送君目隨征雁過寒雲孤亭宿處時看劍
莫使塵埃蔽斗文

中秋夜君山望月

大堤花裏錦江前詩酒同遊四十年不料中秋最明夜

洞庭湖上見當天

酬彭伉

公孫閣裏見君初衣錦南歸二十餘莫歎屈聲猶未展
同年今日在中書

破石遇赦

天網初開釋楚囚殘骸已廢自知休荷蓑不是人間事
歸去滄江有釣舟

贈龍泉洞塵上人

八十山僧眼未昏獨尋流水到窮源自言共得龍神語

擬作茅菴住洞門

題湖臺

山有松門江有亭不勞他處問青冥有時帶月牀昇到
一陣風來酒盡醒

送妻入道

人無回意似波瀾琴有離聲為一彈縱使空門再相見

還如秋月水中看

遇湖州妓宋態宜二首

曾識

一作嘗憶

雲仙至小時芙蓉頭上綰青絲當時鶯覺高

唐夢唯有口

一作而

今宋玉知

陵陽夜會

一作識

使君筵解語花枝出

一作在

眼前

一作

從明月西沉海不見嫦娥二十年

逢舊二首

碧落高高雲萬重當時孤鶴去無蹤不期陵谷遷朝市
今日遼東特地逢

將作乘槎去不還便尋雲海住三山不知留得支機石
却逐黃河到世間

潤州聽暮角

一作晚泊
潤州聞角

江城一作孤吹角水茫茫曲引邊聲

一作風
引胡笳

怨思長驚起

暮天沙上鴈海門斜去兩三行

頭陀寺看竹

寺前新竹已成竿策馬重來獨自看可惜班皮空滿地
無人解取作頭冠

奉使京西

盧龍已復兩河平烽火樓邊處處耕何事書生走羸馬

原州城下又添兵

題連雲堡

由來天地有闊局斷壁連山接杳冥一出縱知邊上事

滿朝誰信語堪聽

再宿武關

一作從秦城
再題武關

遠別秦城萬里遊亂山高下出商州關門不鎖寒溪水

一夜潺湲一作潺
潺送客愁

長安悶作

宵分獨坐到天明又策羸駒信脚行每日除書空一作雖

滿紙不曾聞有介推名

和尚書舅見寄

欲隨流水去幽棲喜伴歸雲入虎溪深謝陳蕃憐寂寞
遠飛芳字警沉迷

送王六觀巢縣叔父二首

巢岸南分戰烏山水雲程盡到東關弦歌自是君家事
莫怪今來一邑閒

長憶山陰舊會時王家兄弟盡相隨老來放逐瀟湘路

淚滴秋風引一作別獻之

偶懷

轉知名一作久宦是悠悠分付空源始到頭待送妻兒下

山了便隨雲水一生休

秋夜題夷陵水館

凝碧初高海氣秋桂輪斜落到江樓三更浦上巴歌歇
山影沉沉水不流

與梧州劉中丞

三代盧龍將相家五分符竹到天涯瘴山江上重相見
醉裏同看荳蔻花

聽多美唱歌

黃鸝慢轉一作嘲語引秋蟬衝斷行一作浮雲直入天一曲梁

州聽初了為君別唱想夫憐

題澗飲寺

百年如夢竟何成白髮重來此地行還似蕭郎許玄度
再看庭石悟前生

題蘇仙宅枯松

幾年蒼翠在仙家一旦枝枯類海槎不如酸澁棠梨樹
却占高城獨放花

山居

一從身世兩相遺往往關門到午時想得俗流應大笑

不知年老識便宜

聽隣女吟

含情遙夜幾人知
閒詠風流小謝詩
還似霓旌下煙露
月邊吹落上清詞

題宇文秀才櫻桃

風光莫占少年家
白髮殷勤最戀花
今日顛狂任君笑
趁愁得醉眼麻茶

漢上偶題

謫仙唐世游茲郡花下聽歌醉眼迷今日漢江煙樹盡
更無人唱白銅鞮

送楊敬之倅湖南

久嗟塵匣掩青萍見說除書試一聽聞君却作長沙傳
便逐秋風過洞庭

送孫堯夫赴舉

自說軒皇息戰威萬方無復事戎衣却教孫子藏兵法

一作
御
空把文章向禮闈

題水月臺

平流白日無人愛
橋上閑行若箇知
水似晴天天似水
雨重星點碧琉璃

早春霽後發頭陀寺寄院中

紅樓金刹倚晴岡
雨雪初收望漢陽
草檄可中能有暇
迎春一醉也無妨

哭田布

魏師臨陣却抽營
誰管豺狼作信兵
縱使將軍能伏劍

何人島上哭田橫

黃葵花

此花莫遣俗人看新染鵝黃色未乾好逐秋風上天一作

上去紫陽宮女要頭冠

別南溪二首

如雲不厭蒼梧遠似鴈逢春又北飛唯有隱山溪上月
年年相望兩依依

常歎春泉去不回我今此去更難來欲知別後留情處

手種巖花次第開

井欄砂宿遇夜客

涉嘗過九江至皖口遇盜問何人從者曰李博士也其豪

首曰若是李涉博士不用剽奪久聞詩名願題一篇足矣涉遂贈詩云云

暮

一作春

雨蕭蕭江上村綠林豪客夜知聞

一作敲門

他時不用相迴避

用逃名姓

一作他時不用相逢不必論相識

世上如今半是君

謝王連州送海陽圖

謝家為郡實風流畫得青山寄楚因驚起草堂寒氣晚
海陽潮水到牀頭

再謫夷陵題長樂寺

當時謫宦向夷陵
願得身閒便作僧
誰知漸漸因緣重
羞見長燃一盞燈

謫謫康州先寄弟勑

唯將直道信蒼蒼
可料無名抵憲章
陰隲却應先有謂
已交鴻鴈早隨陽

贈廖道士

膏已明煎信矣哉
二年人世不歸來
庭前為報仙桃樹

今歲花時好好開

山花

六出花開赤玉盤當中紅濕耐春寒長安若在五侯宅
誰肯將錢買牡丹

聽歌

颯颯先飛梁上塵朱脣不動翠眉顰願得春風吹更遠
直教愁殺滿城人

送顏覺赴舉

顏子將才應四科
料量時輩更誰過
居然一片荆山玉
可怕無人是卞和

題五松驛

雲木蒼蒼數萬株
此中言命的應無
人生不得如松樹
却遇秦封作大夫

湘妃廟

班竹林邊有古祠
鳥啼花發盡堪悲
當時惆悵同今日
南北行人可得知

贈長安小主人

上清真

一作童

子玉童

一作真

顏花態嬌羞月思閒仙路迷

人應有術桃源不必在深山

邠州詞獻高尚書三首

單于都護再分疆西引雙旌出帝鄉朝日詔書添戰馬
即聞千騎取河湟

將家難立是威聲不見多傳衛霍名一自元和平蜀後
馬頭行處即長城

朔方忠義舊來聞
盡是邠城父子軍
今日兵符歸上將
旄頭不用更妖氛

游西林寺

十地初心在此身
水能生月即離塵
如今再結林中社
可羨當年會裏人

題白鹿蘭若

只去都門十里強
竹陰流水遙回廊
滿城車馬皆知有
每喚同游盡道忙

寄趙準乞湘川山居

閒說班超有舊居
山橫水曲占商於
知君不用磻溪石
乞取終年獨釣魚

曉過函谷關

因韓為趙兩游秦
十月冰霜渡孟津
縱使雞鳴遇關吏
不知余也是何人

奉和九弟勑見寄絕句

忽啓新緘吟近詩
詩中韻出碧雲詞
且喜陟岡愁已散

登舟只恨渡江遲

贈友人孩子

驪龍領下亦生珠便與人間衆寶殊他時若要追風日
須得君家萬里駒

奉宣慰使魚十四郎

年纔二十衆知名孤鶴儀容徹骨清口傳天語來人世
却逐祥雲上玉京

題善光寺

雲門天竺舊姻緣
臨老移家住玉泉
早到可中湏南寺
免得翻經住幾年

題宣化寺道光上人居

二十年前不繫身
草堂曾與雪為隣
常思和尚當時語
衣鉢留將與此人

柳枝詞

錦池江上柳垂橋
風引蟬聲送寂寥
不必如絲千萬縷
只禁離恨兩三條

竹枝詞

十二山晴花盡開楚宮雙闕對陽臺細腰爭舞君沉醉
白日秦兵天下來

竹裏

竹裏編茅倚石門竹莖疎處見前村閒眠盡日無人到
自有春風為掃門

失題

華表千年一鶴歸丹砂為頂雪為衣泠泠仙語人聽盡

却向五雲翻翅飛

御定全唐詩卷四百七十七

欽定四庫全書會要卷一萬七千八百八十三

集部

御定全唐詩卷四百七十八

陸暢

陸暢字達夫吳郡人元和元年登進士第為皇太子僚屬後官鳳翔少尹詩一卷

雲安公主下降

一本無此六字奉詔作催粧詩順宗女下嫁劉

士涇百僚舉暢為賓相

雲安公主貴出嫁五侯家天母親調粉日光憐賜花催

鋪百子帳待障七香車借問妝成未東方欲曉霞

山出雲

靈山蓄雲彩紛郁出清晨望樹繁花白看峰小雪新映
松張蓋影依澗布魚鱗高似從龍處低如觸石頻濃光
藏半岫淺色類飄塵玉葉開天際遙憐占早春

驚一作雪

對

怪得北風急前庭如月輝天人寧許一作底巧翦冰作花

飛

聞早蟬

落日早蟬急客心
閒更愁一聲來枕上
夢裏故園秋

別劉端公

連騎出都門
秋蟬噪高柳
落日辭故人
自醉不關酒

新晴愛月

一作山
齊玩月

野性平生惟愛月
一作好 新晴半夜覩
蟬娟起來自擘紗

窗破恰_{一作}漏清光落枕前

雲安公主出降雜詠催粧二首

一作為僞
相詩六首

天上瓊花不避秋今宵織女嫁牽牛萬人惟待乘鸞出
乞巧齊登明月樓

少粧銀粉飾金鉢端正天花貴自然閒道禁中時節異
九秋香滿鏡臺前

坐障

白一作碧玉為竿丁字成黃金一作鴛鴦繡帶短長輕一作醫強

遮天上花顏色不隔雲中語笑聲

簾

勞將素手捲蝦鬚瓊室流光更綴珠玉漏報來過半夜
可憐潘岳立踟蹰一本作真珠文織挂簷端錦緣羅旌千萬端早把玉鉤和月卷神仙愁怕

水 晶

階

梵玉編金次第平花紋隱起踏無聲幾重便上華堂裏
得見天人吹鳳笙

扇

寶扇持來入禁宮本教花下動香風姮娥須逐彩雲降

不可通宵在月中

解內人嘲

一作酬。音才捷。宮人時內人以暢吳詩朝之暢訓詩云云。

粉面仙郎選聖朝偶逢秦文學吹簫須教翡翠聞王母不奈烏鳩噪鵲橋

成都贈別席夔

不值分流二江水定應猶得且同行三千里外情人別更被子規啼數聲

遊城東王駙馬亭

城外無塵水間松秋天木落見山容共尋蕭史江亭去
一望終南紫閣峰

望毛女峰

我種東峰千葉蓮此峰毛女始求仙今朝暗筭當時事
已是人間七萬年

送李山人歸山

來從千山萬山裏歸向千山萬山去山中白雲千萬重
却望人間不知處

長安新晴

九重深淺人不知
金殿玉樓倚朝日
一夜城中新雨晴
御溝流得宮花出

出藍田關寄董使君

萬里煙蘿錦帳間
雲迎水送度藍關
七盤九折難行處
盡是龔黃界外山

題悟公禪堂

臨壇付法十三春
家本長城若下人
芸閣少年應不識

南山鈔主是前身

宿陝府北樓奉酬崔大夫二首

樓壓黃河山滿坐風清水涼誰忍卧人定軍州禁漏傳
不妨秋月城頭過

一別朱門三四春再來應笑尚風塵昨宵唯有樓前月
識是謝公詩酒人

陝州逢竇翬同宿寄江陵韋協律

共出丘門歲九霜相逢悽愴對離觴荆南為報韋從事

一宿同眠御史牀

夜到泗州酬崔使君

徐城洪盡到淮頭月裏山河見泗州聞道泗濱清廟磬
雅聲今在謝家樓

送崔員外使回入京金鈎驛逢因贈一本無下六字

六星宮裏一星歸行到金鉤近紫微侍史別來經歲月

今宵應夢護香衣

成都送別費冠卿

紅椒花落桂花開萬里同遊俱未回莫厭客中頻送客
思鄉獨上望鄉臺

題商山廟

商洛秦時四老翁人傳羽化此山空若無仙眼何由見
總在廟前花洞中

題獨孤少府園林

四面青山是四隣煙霞成伴草成茵年年洞口桃花發
不記曾經迷幾人

送獨孤秀才下第歸太白山

遙翮暫時成落羽
將歸太白賞靈蹤
須尋最近碧霄處
擬倩和雲買一峰

下第後病中

獻玉頻年命未通
窮秋成病悟真空
笑看朝市趨名者
不病那知在病中

送深上人歸江南

留得蓮花偈付誰
獨攜金策欲歸時
江南無限蕭家寺

曾與白雲何處期

題自然觀

劍閣門西第一峰道陵成道有高蹤行人若上升仙處
須撥白雲三四重

疾愈步庭花

桃紅李白覺春歸強步閒庭力尚微從因不扶靈壽杖
恐驚花裏早鶯飛

籌筆店江亭

九折巖邊下馬行江亭暫歇聽江聲白雲綠樹不關我
枉與樵人樂一生

贈賀若少府

十日廣陵城裏住聽君花下撫金徽新聲指上懷中紙
莫怪潛偷數曲歸

太子劉舍人邀看花

年少風流七品官朱衣白馬冶遊盤負心不報春光主
幾處偷看紅牡丹

薔薇花

錦窠花采燈叢醉翠葉眉稠裏露垂莫引美人來架下
恐驚紅片落燕支

句

蜀道易易於履平地蜀道易 蟬噪入雲樹風閑無主花諫雀

議林亭

御定全唐詩卷四百七十八

謹案卷四百七十七第二十六頁後六行自有春

風為掃門按門字韻複係訛



總校官庶吉士臣張能照

校對官庶吉士臣翟槐

謄錄監生臣馬植基

欽定四庫全書叢要

集部

御定全唐詩卷四百

七十九至八十一

詳校官原任主事臣李斯咏

欽定四庫全書
全唐詩卷一萬七千八百八十四

集部

御定全唐詩卷四百七十九

柳公權

柳公權字誠懸公綽之弟精於書學元和初擢進士第
穆宗時拜右拾遺侍書學士改弘文館學士文宗復召
侍書尋以諫議為學士知制誥轉工部侍郎咸通初改
太子少師詩五首

應制賀邊軍支春衣

去歲雖無戰今年未得歸皇恩何以報春日得春衣
挾纊非真纊分衣是假衣從今貔武士不憚戍金微

應制為宮嬪詠

太平廣記云武宗嘗怒一宮嬪久之既而復召謂公權曰朕怪

此人若得學士一篇當釋然矣公權畧不佇思而成一絕上大悅賜錦綵二百疋命宮人上前

拜謝

之

不分前時忤主恩已甘寂寞守長門今朝卻得君王顧
重入椒房拭淚痕

題朱審寺壁山水畫

朱審偏能視夕嵐
洞邊深墨寫秋潭
與君一顧西牆畫
從此看山不向南

閭門即事

耕夫占募逐樓船
春草青青萬頃田
試上吳門看郡郭
清明幾處有新煙

吳武陵

吳武陵信州人元和初擢進士第寶易直判度支表武陵主鹽北邊入為太學博士太和中出刺韶州尋貶潘

州司戶參軍詩一卷今存二首

貢院樓北新栽小松

拂檻愛貞容移根自遠峰已曾經草沒終不任苔封葉
少初陵雪鱗生欲化龍乘春濯雨露得地近垣墉逐吹
香微動含煙色漸濃時廻日月照為謝小山松

題路左佛堂

雀兒來逐鶼風高下視鷹鵠意氣豪自謂能生千里翼

黃昏依舊委一作入蓬蒿

韋處厚

韋處厚字德載京兆人元和初登第又擢賢良方正異等授秘書郎兼史職改咸陽尉遷右拾遺轉考功員外出為開州刺史入拜戶部郎中知制誥穆宗召入翰林為侍講學士改中書舍人文宗即位拜兵部侍郎尋以中書侍郎同平章事集七十卷今存詩十二首

盛山十二詩

隱月岫

初映鉤如線終銜鏡似鉤遠澄秋水色高倚晚河流

流梧渠

激曲紫飛箭浮溝泛滿危將來山太守早向習家池

竹巖

不資冬日秀為作暑天寒先植誠非鳳來翔定是鸞

繡衣石榻

御置為溫侍

巉一作巉雪中嶠磊磊一作標方峭勿為枕蒼山還當

巉一作巉

礎清廟

宿雲亭

雨合飛危砌天開卷曉窗齊平聯郭柳帶繞絕城江

梅谿

夾岸凝清素交枝漾淺淪味調方薦實臘近又先春

桃塢

噴日舒紅景通蹊茂綠陰終期王母摘不羨武陵深

胡盧沼

疏鑿徒為巧圓窪自可澄倒花紛錯秀鑑月靜涵冰

茶嶺

顧渚吳商絕蒙山蜀信稀千叢因此始含露紫英肥

盤石磴

繚繞緣雲上璘玢甃玉聯高萬曾幾折極目瞰秋蒿

琵琶臺

福地難層土因崖遂削成淺深嵐嶂色盡向此中呈

上士餅泉

為柳律
師置

綆汲豈無井顛崖貴非浚願灑塵垢餘一雨根莖潤

楊敬之

楊敬之字茂孝元和初登進士第擢累屯田戶部二郎
中坐李宗閔黨貶連州刺史文宗向儒術以敬之為國
子祭酒詩二首

客思吟

禾黍正離離南園翦白芝細腰沈趙女高髻唱蠻姬路
愧前岡月流慚一領絲鄉人不可語獨念畏人知

贈項斯

幾度見詩詩總好及觀標格過於詩平生不解藏人善
到處逢人說項斯

句

霜樹鳥棲夜空街雀報明 碧山相倚暮歸鴈一行斜

並見張為

主客圖

李虞仲

李虞仲字見之端之子元和初登進士第累官中書舍
人知制誥終吏部侍郎詩集四卷今存一首

初日照鳳樓

旭日煙雲殿朝陽燭帝居
斬霞生峻宇通閣麗晴虛流
彩速朱檻騰輝照綺疏瞳曨
晨景裏明滅曉光初戶牖
仙山近軒楹鳳翼舒還如王母
過遙度五雲車

張又新

張又新字孔昭工部侍郎薦之子元和中擢第厯左右
補闕坐李逢吉黨貶江州刺史後附李訓遷刑部郎中
訓死復貶申州刺史詩十七首

郡齋三月下旬作

以 下 三 首 一
作崔護詩

春事日已歇池塘曠幽尋殘紅披獨墜初綠間淺深偃
仰倦芳樽顧步愛新陰謀春未及竟夏初遽見侵

五月水邊柳

結根挺涯涘垂影覆清淺睡臉寒未開嬾腰晴更軟搖
空條已重拂水帶方展似醉煙景凝如愁月露泣絲長
魚悵恐枝弱禽驚踐帳別幾多情含春任攀挾

三月五日陪大夫泛長沙東湖

一作李
羣玉詩

上已餘風景芳辰集遠坰綠舟浮泛蕩繡轂下娉婷樓
樹迴蕙清笙歌轉杳冥湖光迷翡翠草色醉蜻蜓鳥弄
桐花日魚翻縠雨萍從今留勝會誰看畫蘭亭

贈廣陵妓

雲雨分飛二十年當時求夢不曾眠今來頭白重相見
還上襄王玳瑁筵

牡丹

一作成婚

牡丹一朶值千金將謂從來色最深今日滿欄開似雪

一生辜負看花心

遊白鶴山

未句缺一字

白鶴山邊秋復春
張文宅畔火風塵
欲驅五馬尋真隱
誰是當初竹人

行田詩

一作白石巖

白石巖前湖水春
湖邊舊境有清塵
欲追謝守行田意
今古同憂是長人

羅浮山

江北重巒積翠濃綺霞遙映碧芙蓉不知未後滄溟上
減却瀛洲第幾峰

青障山

一作慈湖山

一派遠光澄碧月萬株聳翠獵金飈陶仙謾學長生術
暑往寒來更寂寥

中界山

瑟瑟峰頭玉水流晉時遺跡更堪愁愁人到此勞長望
何處煙波是祖州

帆遊山

瀛海嘗從此地流千帆飛過碧山頭君看深谷為陵後
翻覆人間未肯休

謝池

郡郭東南積穀山謝公曾是此躋攀今來惟有靈池月
猶是蟬娟一水間

華蓋山

一岫坡陀凝綠草千重虛翠透紅霞愁來始上消歸思

見盡江城數百家

吹臺山

吹臺山上綠煙凝日落雲收疊翠屏應謂焦桐堪採斲
不知誰是柳吳興

青嶼山

靈海泓澄匝翠峰昔賢心賞已成空今朝亭館無遺制
積水滄浪一望中

孤嶼

碧水逶迤浮翠嶺
綠蘿蒙密矯晴江
不知誰與名孤喚
其實中川是一雙

春草池

謝公夢草一差微
謫宦當時道不機
且謂飛霞遊賞地
池塘煙柳亦依依

封敍

封敍字碩夫
穆人元和中登第會昌初以左司員外郎
召為翰林學士知制誥遷御史中丞大中中歷平盧興

元節度使終尚書右僕射翰藁八卷今存詩二首

春色滿皇州

帝里春光正蕙龍喜氣浮
錦鋪仙禁側鏡寫曲江頭紅
萼開蕭閣黃絲拂御樓
千門歌吹動九陌
綺羅游日近風先滿
仁深澤共流應非顚頷質
辛苦在神州

題西隱寺

三年未到九華山終日披圖一室間
秋寺喜因晴後賞靈峰看待足時還
緩從有性留僧坐雲靄無心伴客閒

勝事儻能銷歲月已拚名利不相關

馬植

馬植字存之扶風人元和中進士擢第歷安南招討黠
中觀察使宣宗朝以戶部侍郎同中書門下平章事尋
罷為太子賓客分司東都起忠武節度使徙宣武卒詩
一首

奉和白敏中聖道和平致茲休運歲終功就合

詠盛明呈上

舜德堯仁化大戎許提河隴欵皇風指揮疆武皆神算
恢拓乾坤是聖功四帥有征無汗馬七關雖戍已殘弓
天留此事還英主不在他年在大中

李廊

李廓宰相程之子登元和進士第累官潁州刺史大中
中終武寧節度使詩十八首

夏日途中

樹夾炎風路行人正午稀初蟬數聲起戲蝶一團飛日

色欺清鏡槐膏點白衣無成歸故里自覺少光輝

長安一作漢宮少年行

金紫少年郎繞街鞍馬光

一作往

身從左中尉官屬右春

坊刻戴揚州帽重薰異國香垂鞭踏青草來去杏園芳

追逐輕薄伴閒遊不著緋長籠出獵馬數換打球衣曉

日尋花去春風帶酒歸青樓無晝夜歌舞歇時稀

日高春睡足帖馬賞年華倒插銀魚袋行隨金犢車還

攜新市酒遠醉曲江花幾度歸侵黑金吾送到家

好勝耽長夜天明燭滿樓留人看獨脚賭馬換偏頭樂
奏曾無歇盃巡不暫休時時遙冷笑怪客有春愁

遨遊擣艷妓裝束似男兒盃酒逢花住笙歌簇馬吹鶯

聲催曲急春色送

一作詩

歸遲不以閒街鼓華筵待月移

賞春惟逐勝大宅可曾歸不樂還逃席多狂憒杖衣歌

人踏日起語燕卷簾飛婦好

一作婦

唯相妬倡樓不醉稀

戰門連日閉苦飲惜殘春開鎖通新客教姬屈醉人倩

一作歌牽白馬自舞踏紅茵時輩皆相許平生不負身

新年高殿上始見有光輝玉雁排方帶金鸞立仗衣酒深和婉賜馬疾打珂飛朝下人爭看香街意氣歸

遊市慵騎馬隨姬入坐車樓邊聽歌吹簾外見鶯一作
插
釵

花樂眼從人閑歸心畏日斜蒼頭來去報飲伴到倡家

小婦教鸚鵡頭邊喚醉醒犬嬌眠玉簾一作
鼻鷹掣撼金

鈴碧地攢花障紅泥待客亭雖然長按曲不飲不曾聽

雞鳴曲

星稀月沒入一作上五更膠膠角角雞初鳴征人牽馬出

門立辭妾欲向安西行再鳴引頸簷頭下樓中角聲催
上馬纔分曙色第二應作三鳴旌旆紅塵已出城婦人上城

亂招手夫婿不聞遙哭聲長恨雞鳴別時苦不遣雞栖

近窗戶

鏡聽詞

古之鏡聽猶今之瓢卦也

匣中取鏡辭竈王羅衣掩盡明月光昔時長著照容色
今夜潛將聽消息門前地黑一作黑地人來一作未稀無人錯
道朝夕歸更深弱體冷如鐵繡帶菱花懷裏熱銅片銅

仄如有靈願照得一作得見行人千里形

猛士行

戰鼓驚沙惡天色猛士丸鬚眼前黑單于衣錦日行兵
陣頭走馬生擒得幽并少年不敢輕虎狼窟裏空手行

送振武將軍

葉葉歸邊騎風頭萬里乾金裝腰帶重鐵一作錦縫耳衣寒

蘆酒燒蓬煖霜鴻撫箭看黃河古戍道秋雪白漫漫

落第

榜前潛制淚衆裏自嫌身氣味如中酒情懷似別人煖
風張樂席晴日看花塵盡是添愁處深居一作官乞過春

贈商山東于嶺僧

商嶺東西路欲分兩間茅屋一溪雲師言耳重知師意
人是人非不欲聞

上令狐舍人

名利生愁地貧居歲月移買書添架上斷酒過花時宿
客嫌吟苦乘童恨睡遲近來唯儉靜持此答深知

御定全唐詩卷四百七十九

欽定四庫全書
薈要卷一萬七千八百八十五

御定全唐詩卷四百八十

李紳

李紳字公垂潤州無錫人為人短小精悍於詩最有名時號短李元和初擢進士第補國子助教不樂輒去李錡辟掌書記錡抗命不為草表幾見害穆宗召為右拾遺翰林學士與李德裕元稹同時號三俊歷中書舍人御史中丞戶部侍郎敬宗立李逢吉構之貶端州司馬

徙江州長史遷壽二州刺史以太子賓客分司東都
太和中擢浙東觀察使開成初遷河南尹宣武節度使
武宗即位召拜中書侍郎同平章事進尚書右僕射封
趙郡公居位四年以檢校右僕射平章事節度淮南卒
贈太尉謚文肅追昔游詩三卷雜詩一卷今合編為四

卷

南梁行

江城鬱鬱春草長悠悠漢水浮青一作清光雜英飛盡空

晝景綠楊重陰官舍靜此時醉客縱橫書公言可薦承

明廬

元和十四年故山南節度僕射崔公奏
觀察判官蒙以書奏見委常戲拙速

青天詔下

寵光至頌籍金闈徵石渠

是歲五月蒙除右拾遺

乘歸山路煙嵐

隔山木幽深晚花拆澗底紅光奪火燃搖風扇毒愁行

客

駱谷中多毒樹名山琵琶其花明艷與杜鵑花同樵者識之言曰早花殺人

杜鵑啼咽花

亦殷聲悲絕艷

連一作

空山斜陽瞥映淺深樹雲雨翻

迷崖谷間山雞錦質矜毛羽透竹穿蘿命儔侶喬木幽

谿上下同雄雌不惑

一作異

飛棲處望秦峰迴過商顏浪

疊雲

一作波

堆萬簇山行盡杳冥青嶂外九重鐘漏紫霄

間元和

列侍

明光殿諫草初焚市朝變北闕趨承

一作臣

半隙塵南梁笑客

一作吟嘯

皆飛霰追思感歎却昏迷霜鬢

愁吟到曉雞故篋歲深開斷簡秋堂月曙掩遺題

一作桂

嗚嗚曉角霞輝粲撫劖當應

一作楹

一長歎芻狗無由學

聖賢空持感激

一作謝

終昏旦

趨翰苑遭誣構四十六韻

九五當乾德三千應瑞符纂堯昌聖厯宗禹盛丕圖

穆

正月
登位

畫象垂新令消兵易舊謨選賢方去智招諫忽升

愚

穆宗聽政五日蒙恩除右拾
遺與淮南李公召入翰林也

大樂調元氣神功運化

鑪

脫鱗超沆瀣翻翼集蓬壺捧日恩光別抽毫顧問殊

鳳

形憐彩筆龍領借驪珠擲地聲名寡摩天羽翮孤潔

身

酬雨露利口扇讒諛碧海同宸眷鴻毛比賤軀辨疑

分

黑白舉直舷朋徒

思政面論逢吉崔損姦邪劉栖楚
柏者兇險張又新蘇景修朋黨也

庭獸

方呈角階蓂始効莘日傾烏掩魄星落斗摧樞

穆

升墜劖悲喬岳號弓泣鼎湖亂羣逢害馬擇肉縱狂軀

逢吉守澄栖楚拍者又
新等連為搏噬之徒

膽為隳肝竭心因瀝血枯滿帆

摧駭浪征棹折危途

余以戶部侍郎貶端州司馬

燕客書方詐堯門

信未孚

敬宗即位之初遭逢吉等誣構宸襟未察銜冤遂深謗興金就鑠毀極玉

生瘡礪吻矜先搏張羅騁疾驅

余遭逢吉構成遂敬宗聽政之前一日宣命於

月華門外竄逐地嫌稀魍魎海恨止番禺

栖楚等見逢吉怒所貶太近

瘴嶺

衝蛇入蒸池躡虺趨望天收雪涕看鏡攬霜鬚草毒人

驚剪茅荒室未誅火風晴處扇山鬼雨中呼窮老鄉關

遠羈愁骨肉無鵠靈窺牖戶龜瑞出泥途

余到端州有紅龜一州又

李再榮來獻稱嘗有里人言吉徵也余放之於江中回頭者三四游泳前後不去久之又南中小鵠形小如燕雀里中言此鳥不常見至而鳥舞煙島深千瘴滄波淼必有喜應是日與龜同至於館也

煙島深千瘴滄波淼

四隅海標傳信使江棹認妻孥到接三冬暮來經六月

徂暗灘朝不怒驚瀨夜無虞

從吉州而南歷封康並足湍瀨危險至極其名有滅

門擣鮓霸州等灘惟江水泛漲則無此患康州悅城縣

有媼龍祠或能致雲雨余以書祝之家累以十月泝流

龍為之三漲江水以達也俛首安羸業齊眉慰病夫涸魚思雨潤僵

燕望雷蘇詔下因頌朔恩移詎省奉

余以寶曆元年五月量移江州長史

誑天猶指鹿依社尚憑狐

逢吉尚為相

度嶺瞻牛斗浮江淬

轆轤未平人睚眦誰懼鬼揶揄盆溢

浦潮通楚匡山

地接吳庾樓清桂滿遠寺素蓮敷鬢鬟皆停馬悲歡盡

隙駒舊交封宿草

沈八侍郎武十五侍郎元九相公
龐嚴京兆蔣防舍人皆為塵世

衰

鬢重生芻萬載分梁苑雙旌寄曾儒駿駿移歲月冉冉
近桑榆疲馬愁千里孤鴻念五湖終當賦歸去那更學

楊朱

憶春日太液池

一作東

亭

一作亭東

候對

長慶
三年

宮鶯報曉

一作曉報

瑞煙開三島靈禽拂水迴橋轉彩虹當

綺殿艦浮花鷗近蓬萊草承香

一作步

輦王孫長桃艷仙

顏阿母裁簪筆此時方侍從却思金馬笑鄒枚

憶夜直金鑾殿承旨

二年

月當銀漢玉繩低深聽簫韶碧落齊門壓紫垣高綺樹
閣連青瑣近丹梯墨宣外渥催飛詔草布

一作定一作新

恩促換題明日

一作惟我獨歸花路遠一作近

可憐人世隔雲

覓泥

憶春日曲江宴後許至芙蓉園

春風上苑開桃李詔許看花入御園香徑草中迴玉勒
鳳皇池畔泛金樽綠絲垂柳遮風暗紅藥低叢拂砌繁
歸繞曲江煙景晚未央明月鎖千門

新昌宅書堂前有藥樹一株今已盈拱前長慶
中於翰林院內西軒藥樹下移得纔長一寸僕
夫封一泥丸以歸植今則長成名之天上樹

白榆星底開紅甲珠樹宮中長紫霄丹彩結心纔辨質
碧枝一作
妾抽葉乍成一作
舒條羽衣道士偷玄圃金簡真

人護玉苗長帶九天餘雨露近來蕙翠欲成喬

過荆門

荊江水濶煙波轉荆門路遼

一作遠

山蕙蒨帆勢侵雲滅

又明山程背日昏還見青青麥隴啼飛鴉寂寞野徑棠

梨花行行驅馬萬里遠漸入煙嵐危棧賒林中有鳥飛

出一作幽谷月上千巖一聲哭腸斷思歸不可聞人言恨

魄來巴蜀我聽此鳥祝我魂魄死莫學

一作死勿學此

聲銜冤

縱為羽族莫棲息直上青雲呼帝闕此時山月如銜鏡

蟲樹一作岫 參差互輝映皎潔深看入澗泉分明細見樵

人徑陰森鬼廟當郵亭雞豚日宰聞膻腥愚夫禍福自

迷惑魍魎憑何通百靈月一作日 低山曉一作晚 問行客已

醉椒漿拜荒陌惆悵忠貞徒自持誰祭山頭望夫石

涉沅瀟

一作湘
內缺二字
注

屈原死處瀟湘陰滄浪蘚蘚雲沈沈蛟龍長怒虎長嘯

山水翛翛波浪深煙橫日落驚鴻起山映餘一作霞昏

雲

千里鴻呌離離入暮天霞消漠漠深雲水水靈

一作一
蘇

盧

江暗揚波濤鼈鼈動盪風騷騷行人愁望待明月星

漢沈淳懸鬼號屈原爾為懷王

一作忠

沒水府通天化靈

物何不驅雷擊電除奸邪可憐空作沈泉

一本此下有抱冤二字

骨舉杯瀝酒招爾魂月影

一作彩

滉漾開乾坤波白

一作明

水黑山隱見汨羅之上遙昏昏風帆候曉看五兩戍鼓

鼙鼙

一作鼙鼙

遠山響潮滿江津猿鳥啼荆夫楚語飛蠻縛

瀟湘島浦無人居風驚水暗惟鮫魚行來擊掉獨長歎

問爾精魄何所如

逾嶺崎止荒陬抵高要

天將南北分寒燠北被羔裘南卉服寒氣凝為戎虜驕
炎蒸結作蟲虺毒周王止化惟荆蠻漢武鑿遠通辱顏
南標銅柱限荒徼五嶺從茲窮險艱衡山截斷炎方北
迴雁峰南瘴煙黑萬壑奔湯溢作瀧湍飛浪激如繩直
南人謂水為瀧如原瀑流自郴南至韶北有八瀧其名
神瀧傍瀧雞附等瀧皆急險不可上南中輕舟迅疾可
入此水者因名之瀧
船善游者為瀧夫千崖傍聳猿猱悲丹蛇玄虺潛蟠蛇

龍夫擬檝劈高浪譬忽浮沈如電隨嶺頭刺竹蒙籠密

火拆紅蕉焰燒日嶺上泉分南北流行人照水愁腸骨
陰森石路盤縈紆雨寒日煖常斯須瘴雲暫卷火山外
蒼茫海氣窮番禺鷓鴣猿鳥聲相續椎髻曉呼同戚促
百處谿灘異雨晴四時雷電迷昏旭魚腸雁足望緘封
地遠三江嶺萬重魚躍豈通清遠一作遂 峽雁飛難渡漳

江東余在南中日知家累以其年九月九日發衡州因寄云菊花開日有人逢知過衡陽迴雁峰江樹送秋黃葉少海天迎遠碧雲重音書斷達聽蠻鵠風水多虞祝媿龍想見病身渾不識自磨青鏡照衰容慨然追感以疏其下又端州界有清遠峽深險莫測皆言水府為魚龍之限也 雲蒸地熱無霜霰

挑李冬華匪時變天際長垂飲澗虹簷前不去衡泥燕

南中虹四時長見見數則多颶風燕不歸蟄燕泥多沙人懼其沾污於人每逐其巢也幸逢雷雨

盪妖昏提挈悲歡出海門西日眼明看少長北風身醒

辨寒溫賈生謫去因前席痛哭書成竟何益物忌忠良

表是非朝驅絳灌為讐敵明皇聖德異文皇不使無辜

困鬼方漢日一作口傳臣終委弃如今衰叟重輝光高明

白日恩深海齒髮雖殘壯心在空媿駕駘異一毛無令

朽骨慙一作仍千載

移九江

效何水部余自九
江及今周一紀矣

秋波入白水帆去侵空小五兩劇奔星檣烏疾飛鳥益
城依落日盆浦看雲眇雲眇更蒼蒼匡山低夕陽楚客
喜風水秦人悲異鄉異鄉秋思苦江臯月華吐漾漾隱
波亭悠悠通月浦津橋歸候吏竹巷開門戶容膝有匡
牀及肩纔數堵隙光非白駒懸磬我無虞體瘦寡行立
家肥安啜哺天書憐謫重作朱幡客四座眼全青一
麾頭半白今來思往事往事益悽然風月同今昔悲歡

異目前四時嗟閱水一紀換流年獨有西庭鶴孤鳴白

露天

泛五湖

效謝惠連

范子輓冠履扁舟逆霄漢嗟予抱險艱怵惕驚瀾漫窮

通泛濫勞趣適殊昏旦浴日盪層空浮天森無畔依灘

落葉聚立浦驚鴻散浪疊雪峰連山孤翠

一作紫

崖斷風

帆同巨壑雲矗成高岸宇宙可

一作或

東西星辰沈粲爛

霞生湧洞遠月吐青熒亂豈復問津迷休為呂梁歎漂

沈自詎保覆溺心長判吳越郡異鄉嬰童及為翫依稀
占井邑嘹唳同鵠鶴舉棹未宵分維舟方日旰徵斯濟
川力若鼓凌風翰易狎當悔游臨深罔知難

過鍾陵

余長慶三年除江西觀察使奉詔不之任

龍沙江尾抱鍾陵水郭村一作津橋晚景澄江對楚山千
里月郭連漁浦萬家燈省拋雙旆辭榮寵遽落丹霄起
愛憎惆悵舊遊同草露却思恩顧一霑膺

泝西江

江風不定半晴陰愁對花時盡日吟孤棹自遲從蹭蹬
亂帆爭疾競浮沈一身累困懷千載百口無虞貴萬金
空濶遠看波浪息楚山安穩過雲岑

早發

沙洲月落宿禽驚潮起風微曉霧生黃鶴浪明知上信
黑龍山暗避前程火旗似辨吳門戍水驛遙迷楚塞城
蕭索更看江葉下雨鄉俱是宦遊情

守滁陽深秋憶登郡城望瑯琊

山城小閣臨青嶂紅江一作江樹蓮宮接薜蘿斜日半巖開

古殿野煙浮水掩輕波菊迎秋節西風急雁引砧聲北
思多深夜獨吟還不寐坐看凝露滿庭莎

滁陽春日懷果園閒宴

園中雜樹多手植也

西園到日裁桃李紅白低枝拂酒杯繁艷只愁風處落
醉筵多就月中開勸人莫折憐芳早把燭頻看畏曉催
聞道數年深草露幾株猶得近池臺

悲善才

余守郡日有客遊者善彈琵琶問其所傳乃善才
所授頃在內庭日別承恩顧賜宴曲江勅善才等
二十人備樂自余經播遷善才已沒因追感前事
為悲善才

穆王夜幸蓬池曲金鑾殿開高秉燭東頭弟子曹善才

琵琶請進

一作奏

新翻曲翠蛾列坐層城女笙笛

一作歌

參

差齊笑語天顏靜聽朱絲彈衆樂寂然無敢舉銜花金

鳳當承撥轉腕攏籠

一作籠

弦促揮抹

一作霍

花翻鳳嘯

一作扶花

翻鳳

天上来裏回滿殿飛春雪抽弦度曲新聲發金鈴玉

珮相瑳切流鶯子母飛上林仙鶴雌雄唳明月此時奉

詔侍金鑾別殿承恩許召彈一作看

三月曲江春草綠九

霄天樂下雲端紫髯供奉前屈膝盡彈妙曲當春日寒

泉注射隴水開胡雁翻飛向一作朔

天沒日曛塵暗車馬

散為惜新聲有餘歎明年冠劍閉橋山萬里孤臣投海

畔籠一作離禽鑊一作翮尚還一作強迴

飛白首生從五嶺歸

聞道善才成朽骨空餘弟子奉音一作宣

徽南譙寂寞三

春晚有客彈絃獨淒怨靜聽深奏楚月光憶昔初聞曲
江宴心悲不覺淚闌干更為調絃反覆彈秋吹動搖神
女佩月珠敲擊水晶盤自憐淮海同泥滓恨魄凝心未
能死惆悵追懷萬事空雍門感慨一作琴瑟徒為爾

聞里謠效古歌

鄉里兒桑麻鬱鬱禾黍肥冬有襪襦夏有緺兄鋤弟耨
妻在機夜犬不吠開蓬扉鄉里兒醉還飽濁醪初熟勸

翁媼一作鳴鳩拂羽知年好齊和楊花踏春草勸年少

樂耕桑使君為我剪荆棘使君為我驅豺狼林中無虎

山有鹿水底無蛟魚有魴父漁子獵日歸暮

一作父子
獵歸白日

暮月明處處春黃梁鄉里兒東家父老為爾言鼓腹那

知生育恩莫令太守馳朱轓懸鼓一鳴盧鶴喧惡聲主

吏噪爾門唧唧力力烹雞豚鄉里兒莫悲咤上有明王

頒詔下重選賢良恤孤寡春日遲遲驅五馬留犧投錢

以為謝鄉里兒終爾詞我無工却一作巧惟一作惠無私舉

手一揮臨路歧

轉壽春守太和庚戌歲二月祇命壽陽時替裴
五墉終歿因視壁題自墉而上或除名在邊坐
殿歿凡七子無一存焉壽人多寇盜好訴訐時
謂之凶郡獷俗特著蒙此處之顧余衰年甘躡
前患俾三月而寇靜期歲而人和虎不暴物姦
吏屏竄三載復遭邪佞所惡授賓客分司東都
或舉其目或寄於風亦麤繼詩人之末云

未登崖谷尋丹竈且歷軒窗看壁題那遇八公生羽翼

空悲七子委塵泥舊壇無復翔雲鶴廢壘曾經振鼓鼙
點檢遺編盡朝菌應難求一作永望一刀圭

憶壽春廢虎坑余以春二月至郡主吏舉所職稱霍山多虎每歲採茶為患擇肉於人至春常修陷穿數十所勒獵者採其皮睛余悉除罷之是歲虎不復為害至余去郡三載

匪將履尾求兢惕那效探羅所患爭當路絕羣嘗誠一作試暴為貓驅猶亦先迎每推至化宣余力豈用潛機害

爾生休逐豺狼止貪戾好為仁獸答皇明

壽陽罷郡日有詩十首與追懷不殊今編於後

兼紀瑞物

今止

八首

肥河維舟阻凍祗待勅命

太和七年十二月

罷分符竹作閒官舟凍肥河擬棹難食蘖苦心甘處困
飲冰持操敢辭寒夜燈空應漁家火朝食還依雁宿灘
西奏血誠遙稽首乞容歸病老江干

淮陽效理空多病疏受辭榮豈戀班陳力不任趨北闕

有家無處寄東山
疲驂豈念前程稅倦鳥安能待暮還
珍重八公山下叟不勞重淚更追攀

別連理樹

盛唐縣有連理樹二株一株生於長樂鄉百姓
地內從底兩枝向上為一體一本生於龍泉鄉
百姓徐德地內兩根隔澗水交榦合為一體澗
名香風水濶一丈五尺

垂陰敢慕甘棠葉附榦將呈瑞木符十步蘭茶芝蘭同

秀彩萬年枝葉表皇圖芟夷不及知無患雨露曾沾自
不枯好住孤根託桃李莫令從此混樵蘇

虎不食人

霍山縣多猛獸頃常擇肉於人每至採茶及樵
蘇常遭啖食人不堪命自太和四年至六年遂
無侵暴雞犬不鳴深山窮谷夜行不止得攝令
和僕狀稱潛山縣鄉村正趙珍夜歸中路與虎
同行至家竟無傷害之意

南山白額同馴擾亦變仁心去殺機不競牛甘令買患
免遭狐假妄憑威渡河豈適他邦害據谷終無暴物非
爾效騶虞護生草豈徒柔伏在淮淝

發壽陽分司勅到又遇新正感懷書事

七年正月

八日立春在
壽陽凡四年

休為建隼臨淝守轉作垂絲入洛人罷閱舊林三載籍
又開新歷四年春雲遮北雁愁行客柳起東風慰病身
漸喜雪霜消解盡得隨風水到天津

初出淝口入淮

一作五日

雪初晴淝口冰開好濯纓野老擁途知

意重病夫拋郡喜身輕人心莫厭如弦直淮水長憐似

鏡清回首夕嵐山翠遠楚郊煙樹隱

一作憶層城

入淮至盱眙

山凝翠黛孤峰迥淮起銀花五兩高天外綺霞迷海鶴
日邊紅樹艷仙桃岸驚目眩同奔馬浦溢心疑覩抃鼈
寄謝雲帆疾飛鳥莫誇迴雁卷輕毛

憶東湖

南昌志洪州城內有大湖通章江名曰東湖

菱歌罷唱鷓
舟迴雪鹭銀鷗
左右來霞散浦邊雲錦截
月昇一作臨湖面鏡波開
魚驚翠羽金鱗躍蓮脫紅衣紫
菂催淮口值春偏悵望數株臨水是寒梅

御定全唐詩卷四百八十